

# Yá'qashdéké' Áká I'iilyeedii



## Yá'qashdéké' Áká I'iilyeedii

Yá'qashdéké' áká i'iilyeedii éí Diyin God bizaad bii'déké' bitah dahaasdláa'go éí yaa yáłti'ii ahídadéét'i'ígíí diyingo bee ak'e'ashchínígíí ahídeidzogo ályaa. Diyingo bee ak'e'ashchínii Diyin God bizaad t'éiyá t'áá'íiyisi yá'át'éehgo halne'go ch'íhwii'aahgo yinishdlá.

Diyin God bizaad éí yá'qashdéké' nihwiileeh áadóó t'áá'ákogi'át'éii yíká dichin áadóó dibáá' daniliinii t'áá'aaníí yéego yíká'ahilyeed. Diné la' bąąhágí'-át'éii yits'ágháahgo, bijéí bii' góne' Bóhólníihii Jesus Christ hináa doo biniyé yá hooł'aahgo áadóó yoodlágago bijéí t'áá'át'é yee Bóhólníihii Jesus Christ biyisdá'iiníilii yileeh; Bóhólníihii hach'i' yit'íní ídidoonííl áadóó bibee'il hózhó inda bibeahasht'ehodít'é haididoo'áál. Shí kót'éego díí 1937 yihah yéędáq' shił béehoozin, áadóó wóshdéké' díí ayóó'ánoolningo Bóhólníihii bił k'é ahidishníígíí ts'ídá t'ah doo k'íníshníish da. Áko k'ad ni dó' baa ádinit'aahgo niyisdá'iiníilii áadóó niBóhólníihii dooleel, t'ah doo ákóninééh ládáá'.

# Diyin God Bibee'ayóó'ó'óni'

Romans 5:8

Ndi t'ahdii bąghági ááníili daniidlínéédáqá' Christ  
nihá daaztsá, éí bee Diyin God yee ayóó'ánihó'níinii  
nihil béédahózingo áyiilaa.

John 13:1

Atis'adeesdzá bee bééhánihi hodílzingo álah  
ná'ádleeh t'ah bítséedi, dií nahasdzáán bikáá'dóó  
aTaa' bich'í' Jesus dah nízhidoodáalgo baa hool-  
zhiizhígíí hoł bééhózingo, nahasdzáán bikáá'gi diné  
hwíí' danilíinii ayóó'ájó'nínigíí t'áá ayóó'ájó'níigo  
nihoolzhiizh.

Revelation 1:5

Índa Jesus Christ ba'ahódlíii, oo'iinii k'ehgo  
halne'ii, aninéédéé' áltse hinááh násdlíí'ii, ni'  
bikáá'gi aláahgo naat'áanii danilíinii yinant'áii, éí  
bibee'ajooba' índa bibee'ach'í'hózhó náhásdlíí'ii yee  
nihik'ijidlíi doo. Ayóó'ánihijó'níigo hadil bee  
nihibąghági'át'éii nihąqah táádzízgiz.

John 3:16

Háálá Diyin God éí nihokáá' dine'é t'áá'iiyisí  
ayóó'ájó'níigo bąq haYe' t'áálá'í há yizhchinígíí  
baazhníltí, áko t'áá háiida boodláago baa dzólíhígíí  
éí doo ádoodjíł da, ndi iiná doo nińt'i'ii bee hólóq  
dooleel.

Jeremiah 31:3

T'áá alk'idáqá' Bóhólñíihii nilíinii shich'í' yit'íni  
í'diilyaago kóní, T'áá'aaníí hool'áágóó bee  
ayóó'ó'ó'níinii bee ayóó'ániínish'ní, éí bąq  
ayóó'ó'ó'ní jooba'ii bee ádich'í' ndídzííz.

# **Jesus Christ Éí Diyin Nilí.**

## **I Timothy 3:16**

Deiniidláanii bina'niltin doo bééhózin da yéé éí ts'ídá doo naaki niljigoo ayoo'át'éii át'é: Christ Diné Siljii'ii Nílch'i Diyinii bee ts'ídá t'áá ákogi ájít'é ho'doo'niid, Áadóó diyingo ndaal'a'i dahooltsá. Ał'ąąq dine'é bitahgóó haa hóóne', Nihokáa'gi ho'doosdlaqadgo ha'oosdlíí', Yá'ąąshdi adinílíf biyi'ji' náho'diilti.

## **Matthew 1:22, 23**

Diyin God yá halne'ii binahji' Bóhólníihii hahaasdzi'éé ałtso bohodoolníil biniyé ádzaa. Jó'akon, ch'ikééh t'ah doo diné bee haleehii awéé' bee hodooleelgo ashkii yidoołchíil, Éí Emánuel bee yídóojiił, (éí Diyin God nihił hóló, jiníigo óolyé).

## **John 14:9, 10a**

Áko Jesus ájini, Philip, da' ałk'idáq' nihił nihidiishkai ndiish, t'ah doo shééhonisijh da? T'áá háiida shiiltsánígíí éí aTaa' yiyiiltsá. Ha'át'éegosha' áko aTaa' nihił bééhonisijh shidini? ATaa' bii' honishlónígíí índa aTaa' shii' hólónígíísh doo yinídláq' da?

## **John 1:1 and 14**

Hodeeyáadi Saad jílí, Saad éí Diyin God bił hojiló, índa Saad éí Diyin God jílí... Saadigií éí diné dzizlíí', áadóó ajooba' áadóó t'áá'aaniinii hwii' hadeezbingo nihitahgóó kékéhojit'íí nt'ée'.

# **Jesus Éí Diyin God Biye' Nilí**

## **I John 4:15**

T'áá háiida Jesus éí Diyin God biYe' nilíjigo bee hadziidziihígíí éí Diyin God hayi' hóló, áadóó Diyin God biyi' hojiló.

## **Colossians 2:9**

Háálá Christ diné dzizlígíí'go Diyin God yee át'éii t'áá'át'é hwii' hóló.

## **Isaiah 9:6**

Háálá awéé' nihá bi'dizhchí, aYe' nihaa yiltí; biwosgi naat'áanii yee hoo'áalii bąąh siláa doo, áadóó Bízhi' éí Ayóó'ánóolningo, Kót'éego Níinii, Diyin God Ayóó'ábóodzilii, Hool'aágóó aTaa' Nilíinii, Hózhóójí Yinant'áii, bidi'níi doo.

## **Luke 1:35**

Áko diyingo naal'aí hanáánáádzíí'go áhodiíniid, Níłch'i Diyinii nik'i hwiidooleeł, índa Ts'ídá Aláahgo Át'éii bibee'adziili nik'iidooldoh; éí bąą awéé', Diyin nilíinii, díílchíligíí Diyin God biYe' bee yídóojiił.

## **Matthew 17:5**

A'ko t'ah yájílti'go jó'akon, k'os bits'ádi'nílidgo hoł ɬeeshoogizh, áko biyi'déé' iinéé' diists'áq'go ání, Díí shiYe' ayóó'óósh'níinii jílí, t'áá'iiyisí hąą shił hózhó; dahwiísółts'áq'.

# **Jesus Háí Át'iinii Yee Nihí Halne'**

**John 8:23**

Áadóó ábizhdííniid, Nihí nihokáá'dóó ndaahkai, shí t'éiyá wót'ááhdéé' naashá; nihí nahasdzaán bits'áqdóó dahosoolíí', shí doo nahasdzaán bits'áqdóó hosélíí' da.

**John 11:25**

**Jesus ánááhodoo'niid, Shí náá'di'yiijeeh índa iiná nishlí; t'áá háiida shoodláago sheidzólíii éí daaztsáa ndi, hináa doo.**

**John 13:13**

**Na'ntini índa Bóhólníihii dashidohní; áko t'áá'aniígóó ádadohní, háálá éí nishlí.**

**John 9:5**

**Nahasdzáán bikáá' naasháago, nihokáá' dine'é bá adinídííñ nishlí.**

**John 6:35**

**Jesus ánááhodoo'niid, Shí bááh bee iináanii nishlí; shaazhníyáhígíí éí doo dichin náázhdoodleeł da, áadóó shijoodláago sheidzólíii éí doo dibáá' náázhdoodleeł da.**

**John 8:58**

**Jesus ánááhodoo'niid, T'áá'aaníí, t'áá'aaníígóó ánihidishní, Éíbraham t'áá bítséedi honishlóó.**

**John 10:7**

**Áko Jesus ánááhodoo'niid, T'áá'aaníí, táá'aaníí góó ánihidishní, shí dibé bich'é'etiin nishlí.**

# Jesus Éí Álilee La' Yaa Naayá

Matthew 14:19-21

Áko diné yíl'ahígíí, Hootsogóó dinohbjih, bizhdííniid; áadóó lees'áán ashdla'ąą́ inda lóó' naaki yéę nízhdiinilgo, yá'qashgóó dzidéez'ii'go bik'i sozdoolzin, áadóó njiitíihgo lees'ánęę́ hódahool'aahii bitaaajiniihgo, éí diné yíl'ahígíí yitaadeiznii'. Áko t'áá'ałtso da'iíyąą́'go hwiih daazlígíí'. Áko ndahaasti'go bi'oh da'jíiyá'ígií náádadziisdláa'go ts'iizis naakits'áadah hadazdeesbijd. Asdzání áadóó áłchíní t'áadoo wólta'í dinéhígíí t'áá bízhánigo ashdladi mííl daats'i da'iíyąą́ lá.

Luke 5:5, 6

Áko Sáimon áháhní, Na'ntini, tl'éé' bíighah dayíniilníish; ákondi t'áadoo la' shódeisiilt'e' da! Ndi nizaad k'ehgo k'ad lóó' bee hahaltsósí taah deestsos. Ákódadziidzaago, lóó' t'óó'ahayói biyada'dziiltsooz; áadóó halóó' bee hahaltsósí yéę hats'ąą́' dahadlaad.

Matthew 20:30 and 34

Áadóó jó'akon, diné naaki bináá' ádingo atiin bąąhgí sikéé lá, áko aadéé' Jesus yigáál ha'níigo yidiizts'ąą́'go kóníigo hadoolghaazh, Bóhólníihii, David biYe' nílíinii, nihaa jiiníbaah! ... Áko Jesus haa a'áah niizíi'go hanáá' yideelchid, áko t'áá'ako ajoo'í dzizlíi', áadóó bikéé' dashdii'áázh.

# **Jesus Christ Éí Í'iilaii Áádóó Bóhólníihii Nilí**

Háálá yádihił biyi'di áádóó nahasdzáán bikáa'gi dahólónonii t'áá'altso, daat'iinii índa doo daat'iinii hó hwee Diyin God ádayiilaa, azhá naat'áanii ayóó'ádaat'éii, éí doodaii' bídhóhólníihii, éí doodaii' naat'áanii danilíinii, éí doodaii' óhóhólníih bee dahólónonii doo daat'iinii t'áá'altso hó hwee Diyin God ádayiilaa. T'áá'altsoní hwee ádaalyaa índa há ádabi'diilyaa.

—Colossians 1:16

Ndi dií nihogħááh bich'i' yoołkáligíi biyi' t'áá bi biYe' yee nihich'i' haadzíi'. T'áá'altsoní hóó' dooleelgo nihoniłtì, t'áá hó ałdó' hwee yádihił biyi'di dah hiniláii áyiilaa.

—Hebrews 1:2

Háálá daneeznánígíí índa dahinánígíí éí Bóhólníihii hwee bíhóhólníih dooleel biniyé Christ daaztsá áádóó hinááh násdlíi'. —Romans 14:9

**John 1:3**

Éí t'áá'altsoní ájiilaa, índa daholónígíí t'áálá'í ndi t'áá hádingo t'áadoo la' ályaa da.

**Acts 2:36**

Éí bąq tsin'ałnáoszid bikáa'ji' Jesus bił ada'soołkaaléę, Diyin God éí Bóhólníihii áádóó Christ nilíigo áyiilaa; dií Izrel dine'é t'áá'altso t'áadoo naaki nilní bił béeđahózin le'.

Diyin God ba'ahódlíii biYe' Jesus Christ nihí-Bóhólníihii bił ahił danohdlíi doo biniyé nihíká ádiíniid.

—I Corinthians 1:9

# **Jesus Christ Éí T'áá'ałtso Yá Nihwii'aahii Nilí**

## **Romans 14:10**

**Ha'át'iishq' biniyé nik'is baa nánít'í? Éí doodaléí' nishq' ha'át'íí biniyé nik'is jiiníłá? Háálá t'áá'ániiltso Christ bibikáá'dóó ánihwiit'aah bidááhdóó deidiidzjílgó nihaa ndahódóot'ííł.**

## **Matthew 25:32**

**Áadóó ał'ąąq dine'é t'áá'ałtso baa álah ádoolnííł; índa na'niłkaadii bidibé éí tl'ízí yits'áyiiníłigi át'ęego, éí t'áálá'í nítínigo alts'áidoonil.**

## **John 5:22**

**ATaa' éí diné doo la' yeińt'íígo yá nihwii'aah da, ndi aYe' t'éí ánihwiit'aah t'áá'ałtso bee böhölníih doo biniyé yeidini'ą.**

## **Romans 2:16**

**Jó hane' yá'át'ęehii baa hashne'ii bik'ehgo ánihwiit'aah beiníłkqädi hajéí biyi'di ndazhnił'inéę Jesus Christ binahji' Diyin God há nihodiyoo'áál.**

## **II Timothy 4:1**

**Diyin God áadóó Böhölníihii Jesus Christ, éí dahináanii índa daneeznáanii yaa ndóot'íílii bináál, áadóó Jesus yidooltséligíí índa bee böhölníihgo bił haz'áanii binahji' ánidishní.**

**Áko t'áá hó ánihijiniigo bich'í' nihijiíł'aad; hane' yá'át'ęehii bee diné bił dahołne'; dahináanii índa daneeznáanii bá nihozhdoo'áál biniyé Diyin God nihoniłtí, dadohníigo, t'áá'aaníí nihil béédahózingo baa dahołne'.**

**—Acts 10:42**

# Christ T'éí Bee Ak'éniná'ílyá

## John 10:9

Shí ch'é'etiin nishlígíí; t'áá háiida shí shee yah íiyáhígíí yisdádooltéél, áadóó yah anádááh áadóó ch'inádáahgo hootsojíí anáhádáah dooleel.

## John 14:6

Jesus áhodííniid, Shí hońt'i'ii áadóó t'áá'aaníinii índa iiná nishlígíí; diné doo la' aTaa' yaa doogáał da, shí sheego t'éiyá.

## John 8:24

Éí bąą ánihidiíniid ni', T'áá ádił da'iínólzíihgo dadínóohnnéél, háálá shí Christ ásht'íigo doo deinohdlágóogo t'áá ádił da'iínólzíihgo dadínóohnnéél.

## Hebrews 5:9

Éí bee altso la'yilyaago, bik'eh dahół'iinii t'áá'altso bá hool'áágóó yisdá'iildééh yinaayáii silíí'.

## Hebrews 7:25

Éí bąą hó hwée Diyin God yaa hakáhígíí t'áá nihon't'i'jíí yisdájiiniilgo bízhneel'á, háálá bá na'ak'iyájílti' doo biniyé t'áá'álahjíí jiiná.

## Acts 4:12

Náánála' bee yisdá'doodáałii doo nááhódlóo da, háálá yádiłhił biyaagi yízhí náánála' bee yisdáhiikáah dooleeli ts'idá doo la' nihokáá' dine'é baa náádeet'áą da.

# Christ T'éí Bee Ak'é Niná'ílyá

Colossians 1:12-14

Diyin God nihiTaa' nilíinii bich'í' ahééh danohsingo bidiyíí' adiíndiín yii' deíkáahii bíí' dooleelií bił alts'áqá' da'niilk'iiz dooígíí báqh da'niidlíígo ánihiilaa. Chahałheeł bee böhölníihgo bił haz'áqadéé' háánihoo'nilgo, biYe' ayóó'áyó'níinii bee böhölníihgo bił haz'áqají' anihíí'eezh. Jesus bidił yee náánihiis'nii'go nihibaqhági'át'éii nihá yóó'iidií'á.

I Corinthians 1:30

Ndi Diyin God éí Christ Jesus bił lá'í nohlíígo ánihiilaa, t'áá éí bee alldó' dahoniidzäago, ts'ídá t'áá ákogi ádaniit'éego, dadiniigingo, índa báqhági'át'éii bits'áqají' náábi'diiznii'ii daniidlíígo Diyin God ánihiilaa.

Titus 2:14

Jó t'áá éí nda'iyiilzííh t'áá'altso bii'dóó náánihidiyoołnih, índa báqhági'át'éii nihqáh ádingo ánihidoolííł, áadóó t'áá bí bidine'é daniidlíígo yá'át'eehgo ádahooníílii t'áá'íiyisi bídaniidlíígo baa ndeikai doo biniyé nihá niná'ádeet'á.

Revelation 5:9

Kódaaníigo sin ániidíii yee dahóótáál. Naaltsoos nídidíí'áalgo bee ída'diiljeehí bee bidáda'deeshjée'ii aq ádadííliiłgo báqh nílì, Háálá ni'diisyíí nt'ee'go al'aq dine'é áadóó bizaad al'aq ádaat'eełii áadóó nihokáá' dine'é daniliinii índa al'aq dine'é bił dah ndahaz'áanii t'áá'át'ee' nt'ee' bitahdék' Diyin God bich'í' nidił bee diné bik'é niná'íníndlá.

# Christ Bidił Bee K'énáhoodqoł

## Romans 5:9

Éí bąq k'ad bidił deezna'ígíí bee t'áá ákogi ádaniit'éego nihá ha'oodzíí', áadóó t'ah nááyówehgo Diyin God t'óó báhádzidgo bibee'até'él'iinii bits'áají' yisdánihizhdoonił.

## Ephesians 1:7

Éí ląq Diyin God bibee'ajooba yee alááh neel'áanii bik'ehgo Christ bidił bee náádanihi'diiznii', áadóó ádił nda'ayiilzhéę nihá yóó'iidii'aah.

## I John 1:7

Ndi t'áá adińdiín biyi' hojílónigi át'éego adińdiín biyi' dayíníikáahgo, ahidinílnáago ahił daniidlí, áko haYe' Jesus Christ t'áá bí bidił yee nihibąqahági'át'-éii t'áá'át'é ałtso nihąqah tánéigis.

## I Peter 1:18, 19

Háálá nihıł béédahózingo danihitaa'ąą bi'é'él'i' t'áadoo nánidlínigóó yee ndanihineetzá'ąą bits'áají' náádanihi'diiznii'. T'áadoo le'é áadı̄lıii, bééshlıgaii doodaii' óolada éí doo bee náádanihi'diiznii'da. Ndi dibe yázhí hadaal't'éii, doo bąqah dahaz'áaniigi át'éii, Christ bidił ilíinii bee náádanihi'diiznii'.

## Hebrews 9:14

T'ah yówehígo át'éego Christ t'áá bí bidił yee ła'yiyiilaago éí ts'ídá hadaal't'éii nilīigo Níłch'i Diyinii doo nińt'i'ii biniit'aa Diyin God yich'i' náá'ádiisnii'.

# Christ Joodląhii Bee Yisdá'iildééh

## Ephesians 2:8, 9

Háálá oodla' binahjí' Diyin God bibee'ajooba' yee yisdánihiínil, áko díí doo t'áá nihí ádaahdzaa da, ndi Diyin God einiláii át'é. Doo bik'é na'azhnishii át'éé da, áko doo bee ádaa hojó'niih át'éé da.

## Romans 5:1

Éí bąq nihi'oodla' bee t'áá ákogi ádaniit'éego nihá ha'oodzii'go nihiBóhólníhii Jesus Christ bee Diyin God bił nihita'gi k'é náhásdlíjí'.

## Galatians 5:6

Háálá Christ Jesus bił lá'í niidlíjgo éí nihaqh náhinilgish doodaii' doo nihaqh náhinilgish éí t'áadoo biniyéhí da, ndi Christ deiniidlánígíí nihe'ayóó'ó'ó'ni' bee béehózinii éí ilí.

Háálá Diyin God bits'áqdóó ndabi'diizhchiinii nihokáá' bił ndahazt'i'ii yik'eh dadidlíjgo át'é. Jó nihi'oodla' bee nihokáá' bił ndahazt'i'ii bik'eh dadiniidlí.

—I John 5:4

## John 20:31

Ndi Jesus éí Christ, Diyin God biYe' nilíjgo deidoohdląqágíí biniyé díidiígiíí bik'i ndaháasdzó, áko éí deinohdląqago baa dadziínóhlíjgo bízhi' binahjí' iiná nihee dahólqo dooleel.

Áko ádahodiíniid, Haasha' deiit"íjgo t'éí Diyin God naanish yaa bił hózhóonii baa neiikai doo? Jesus ánááhodoo'niid, Diyin God yinił'a'ii dei-doohdląqálgó baa dadziínóhlíjgo éí naanish Diyin God bił hóshqó.

—John 6:28, 29

# Diyin God Bibee'aa'a'áah Hasinii

## Psalm 103:11

Háálá nahasdzáán índa yádihil̄ bita'gi ánizádígíi  
ánizahgo diné dabidósinií t'áá'iyyisí bił hadlee'go  
yaa a'áah nízin.

## Psalm 103:17

Ndi Bóhólníihii aa'a'áah nízinii éí dabidósinií  
hool'áadéé' índa hool'áágóó yił hóló, áadóó  
Bit'áá'ákogi'át'éii éí áłchíní áadóó bináada'áłchíní  
yida'ał'iinii yił hóló.

## Micah 7:18

Háísh Diyin God nilínígi át'é, éí bii' danilíinii  
yidziihígíí bibaqhági'át'éii yits'áidii'aah índa  
nda'iisihiíi yá yóó'iidi'aah? Índa doo hool'áágóó  
báháchí' da dooleeł, háálá aa'a'áah hasin bił hóshó.

## Psalm 108:4

Háálá aa'a'áah níñizinii yá'qash bilááh át'é áadóó  
nit'áá'aaniinii k'os bineel'á.

## Lamentations 3:22, 23

Bóhólníihii aa'a'áah nízingo baq doo ásiidijid da,  
Háálá yee aa'a'áah nízinii doo nineelnéeh da. Éí  
t'áá'ákwíí bíni ániidi náádleel: na'ahódlíhígíí  
ayóó'át'é.

## Titus 3:5

T'áá nihí ts'ídá t'áá ákogi át'éego ádeiidzaii  
binahjí' éí dooda, ndi t'áá bí nihaa aa'a'áah niizíí'go  
yisdánihiínil, náádaníhi'dizhchíígo táádaníhizgiz,  
índa Nílch'i Diyinii bee iiná ániidiíi nihiih náyoodlá.

# Diyin God Shaa Hohkááh, Nihíłní

Matthew 11:28

Dziil nihigháanii áádóó nihiyéél dandaazii t'áá'ánółtso shaa hohkááh, áko háádaałyíhgo ánihideeshlííł.

Isaiah 55:1

Shoo, t'áálá'í nootínigo dibáá' danohlíinii hágo tó hólqojí' ahohkááh áádóó nihibéeso ádaadinii, hágo kwe'é nda'iyołniih áádóó da'ohsá; hágo t'áá'aaníí béeso t'áágéed índa doo báqh ilnígóngó wáin áádóó abe' ndahołniih.

John 7:37

Áádóó hodílzingo bee nihooğhááh bijí álah ná'ádleeh góne', Jesus yiizi'go yéego haadzíi'go ádiíniid, Diné t'áá háiida dibáá' nilíjgo, bíni'dii shaa doogáalgo adoodlígííł.

Revelation 22:17

Níłch'i Diyinii áádóó bá'iigehii, Hágó! ní. Azdiits'a'ii hání'dii, Hágó! jiní. Dibáá' jílíinii hání'dii jíghááh; iiná tó jinízinii hání'dii t'áá jiik'e jidlá.

Isaiah 1:18

K'ad hágo haa'íshq' díí baa ndíit'íjííł, ní Bóhólníihii. Azhá ádíł ni'iilzííh t'áá'íiyisí líchxíí ndi yas nahalingo lígai dooleeł; azhá dihlílgó líchíigo ndi aghaałgaigi át'éego lígai doo.

# Diné Doo T'áá'ałtso Diyin God Ya'álchíní Danilijí Da

Díí bee Diyin God ba'álchíní índa níłch'i bi'iiníziinii binant'aí ba'álchíní al'aq át'éego bee bééhózin: t'áá háiida doo ts'ídá t'áá ákogi ájooniłigií éí doo Diyin God bits'áqdóó hojilqo da, áadóó Christ bee hak'is niliinii doo ayóó'ájó'níinii éí doo Diyin God bits'áqdóó hojilqo da.

—I John 3:10

Jó t'áá'ádzíltso Diyin God biNíłch'i Diyinii hoo'-ishii éí Diyin God ba'álchíní dajilí. Háálá naalte' ídlíjí bik'ee il náánayée'go ntsáhákeesii doo ndadooláa da, ndi Níłch', Diyinii bee nihidi'neeszánigii ndadiilyá; éí bee "Ába shitaa", dadii'ní. -Romans 8:14, 15

## Philippians 2:15

Áko t'áadoo bee nihik'ídahót'ahígóó índa niha'át'e' ádaadingo Diyin God ba'álchíní doo ádąąh dahat'aahii dadoohłeeł, áko díí binda'adlo'go doo ts'íid át'éégóó ahoolchiłigií bitahdi nahasdzáán bikáa'ji' adiníldiinii nahalingo da'díinółdiin.

Éí baq Bóhólníihii ádiíniid, Doo oodláanii bitahdék' wóshdék' ch'ihóhkááh, Áadóó t'áá sahdii bits'áaji' ahohkááh, Áadóó ha'át'ihida t'óó badaa'ihii t'áadoo baa ndaaht'íni; Áko nihich'íj k'é nísdzingo shaa hidooohkah, Áadóó nihiTaa' nishljj doo, Áko nihí t'éiyá shiye'ké índa shitsi'ké danohljj doo, ní Bóhólníihii Ayóó'át'éii.

—II Cor.6:17, 18

Ndi t'áá'ałtso dahoniizí'igíí, éí házhi' dayoodlágoo yaa dadzólíii, Diyin God ba'álchíní dadooleelgo bee'óhólníih baazhdini'á.

—John 1:12

# Diyin God Éí Tó Tsi'na'iiláii Hait'éego Yeinít'íigi

Galatians 5:19-21

Áko ts'ísee k'ehgo baa ooldahii éí t'áadoo bahat'aadí: jó éí adilyé, na'ageh bee tsi'na'adá, baa'ihgo ntsáhákees, baa yádahasinii baa oodáál, e'elyaii bich'í' nahidlá, na'adlo'go álílee bee nahaghá, ak'e'diniih, ahiń'diiltláád, adáhonooni, áháchí', ałk'iji' na'anish, ałch'qáh na'a'na', ałts'á'áldah, ooch'íid, diné naatseed, tó tsi'na'iiláii yidlá, t'áá na'nile'dii adlá, áadóó t'áá ákónáádaat'éii. Ákót'éii yaa ndaakaiígíí Diyin God bee böhölníihgo bił haz'áanii doo bíí' dadooleeł da dishníigo t'áá átséedi bee nihi'nílnii' yéę bee nihináá'nishníih.

Romans 13:13, 14

Haa'isha' jíigo áhát'ínígíí beełt'éego hazhó'ó ádeii'níił doo, t'áadoo adlá baa ndeiikaií, t'áadoo tó tsi'na'iiláii deiidlání, t'áadoo ajił baandeiikaií, t'áadoo baa'ihgo adádaniilníní, t'áadoo ahináádadii-jahí, índa t'áadoo da'ahiilch'ídi dooleeł. Ndi Böhölníihii Jesus Christ bee hadadohné', áadóó ts'ísee k'ehgo bidádahonooniinii t'áadoo bá nahosooł'áni.

Wáin bighá jíchxii'go t'áadoo baa nánít'íni; bee adlání bee sikáago bishhéé' ha'niłhoshgo ayi' góyaa ahidinaadgo t'áadoo baa nánít'íni. Bilátaḥ dahalzhishgo tlı'iish nahalingo adiłhash, áadóó tlı'iish ánínígíí nahalingo adiłhash. —Prov. 23:31, 32

# T'áá Ákóne' Ásht'í Hwiindzin Doo Bíighah Da

Matthew 22:37, 38

Jesus áhodiíniid, Nijéí t'áá'át'é bee áadóó nii'siziinii t'áá'át'é bee, índa níni' t'áá'át'é bee Bóhólníihii niDiyin God ayóó'iíní'ní. Éí ts'ídá aláahgo áadóó aláají' beehaz'áanii át'é.

Mark 10:17-22

... Na'ntiní yá'át'eehii niliinii, haash deeshníilgo iiná doo niít'i'ii shee hodooleel? Áko Jesus áhodiíniid, Ha'át'iishq' biniyé yá'át'eehii shidini? T'áálá'í ndi doo yá'ájít'ehí da, t'áá hazhó'ó Diyin God t'éiyá. Bik'eh ó'oo'níílii nił béhéhózin: Ts'ídá doo azhdilée da, Ts'ídá doo azéé'jit'íjh da, Ts'ídá doo azhni'íjh da, Ts'ídá doo t'áá'ádzaagóó hojilne' da, Doo hona'adlo' da, Nizhé'é áadóó nimá nił nilí. Áko ázhdíniid, Na'ntiní, eii t'áá'altso t'áá álchíni nishlíidáq' bik'eh honish'íj'go hoolzhiizh. Áko Jesus ayóó'ahó'níigo honéél'íj'go áhodiíniid, T'ááláhígígo haz'á t'ahdii bee nich'íj' anáhóót'i'; nilááh ndídáahgo nee hólónígií t'áá'altso naa nahóniihgo bee shóisínilt'e'ígií badahojooba'ígií bitaadíínih, áko yá'qashdi naalyéhé íliinii nee hólóq dooleel; áadóó dah diináahgo tsin'ałnáoszid ndiitíjhgo shikéé' yínáał doo. Ndi kót'éego ha'oodzi'ígií bik'ee yínííł dzizlíj'go bąąh háni'go dashdiiyá; háálá t'áá'íiyisi ajit'í.

Proverbs 16:25

T'áá ákóó hońt'i'góó hinishná diné nízin, ndi hool'aágóó aniné biyi'jí' bá dah dahodiit'i'.

# Ni'dódleeh Lágo

## Ephesians 5:6

T'ááká diné ḥa'da saad t'áadoo dabiniyéhígíí yee nihida'dóleehíila', háálá ákódaat'éhígíí biniyé Diyin God t'óó báhádzidgo bibee'até'él'iinii éí doo ak'eh hól'í ba'álchíní bik'idahwiileeh.

## I Corinthians 6:9, 10

Doósh nihíł béédahózin da? Doo ákogi ádaat'éii Diyin God bee böhölníihgo bił haz'áanii ts'ídá doo bíí' dadooleeł da. Éí bąq t'áadoo yóó'adanihinii'ahí: na'ageh bee tsi'dajíkáahii, e'elyaii bich'í' ndahojiłaii, dazhdiléii, hats'iis bee adádazhnoolníinii, diné t'óó baa yáhásingo t'áá hó ahaa ninájíldéehii, doodaii' dazhni'ijhii, hwe'áchádahwiídéeni'ii, da'jidláanii, da'dzódziihii, aghada'jii'nílhií éí Diyin God bee böhölníihgo bił haz'áanii ḥá'í ndi doo hóó' dadooleeł da.

## James 1:22

Diyin God bizaad bik'eh dahonol'í, t'áadoo t'óó dadoohsts'a'go ádinda'ohdlo'í.

## I John 3:7, 8a

Sha'álchíní, t'ááká ḥa'da nihí'dóleeh lágo! Ts'ídá t'áá ákogi ájooniílhií éí Christ ts'ídá t'áá ákogi át'éii nilínígi át'éego ts'ídá t'áá ákogi át'éii jilí. Baqhági ájít'inígií éí nílch'i bi'iiníziinii binant'a'í bits'qádék' hojiló, háálá nílch'i bi'iiníziinii binant'a'í éí t'áá hodeeyáadék' baqhági áánííl . . .

## Galatians 6:3

Háálá diné t'áadoo nilíní da ndi ayóó'ánisht'é nízinii, éí ádina'adlo'go át'é.

# Bąąhági'át'éii Bee Aniné Nihwiileeh

## Romans 5:12

Diné t'áálazhdilt'éhígíí hwee nahasdzáán bikáá'gi ádił ni'iidzííh hazlígíí'. Áko bąąhági'át'éii bee aniné hazlígíí'go nihokáá' dine'é t'áá'ałtso daniné silígíí', háálá t'áá'ádzíltso ádił nda'dziisdzíí'.

## James 1:15

Áko bąąhági'át'éego adáhonooní i'niiltsaqhgo bąąhági'át'éii yiłchííh, áadóó bąąhági'át'éii yéé niniséehgo aniné yileeh.

Jó ts'ísee k'ehgo ndzinii éí aniné ninahádleeh, ndi Níłch'i k'ehgo ndzinii éí iiná índa ach'í' hózhó ninahádleeh.

—Romans 8:6

Ayi'siziinii ádił ni'iisíihii dadootsaal. Azhé'é jílíinii éí doo ákwii 'ájíít'iidígíí haye' doo yik'é ti'hwiidoonih da, índa haye' doo ákwii 'áát'iidígíí doo bik'é ti'hwiizhdoonih da; t'áá ákogi ájooniíllii bits'áqdóó éí t'áá ákogi é'et'éii hoł hólóq doo; doo yá'áshógóó ájooniíllii bits'áqdóó éí doo yá'áshónii hoł hólóq doo.

—Ezekiel 18:20

## Luke 15:32

T'áá ákónéehhee nihíł dahoneeni índa nihíł dahózhó, háálá díí nitsilí daaztsaqá nt'ée' hinááh násdlígíí'; yóó'iíyáá nt'ée' bénáhoosdzin.

## Proverbs 11:19

Diné t'áá'ákogi áánííllii hináá dooleel, ndi ádił ni'iilzííh hájít'iinii éí hodiyoołhééł.

# Christ Aniné Yik'eh Deesdlíí'

Luke 7:14, 15a

Áadóó hwíighahgi deeyáago bee ndaho'diltéhígii yideelchidgo, da'íltéehéé deizi'. Áko daaztsánéé áyidiíniid, Dinééh, ánidishní, ndiidááh. Áadóó neezdáago, ayá'niilti'.

John 11:43, 44

Kót'éego hadzoodzíí'go yéego hazhdooghaazhgo ázhdiíniid, Lázaras, wóshdék' ch'inínááh. Nt'éé' dadziztsánéeni' naak'a'at'áhí daalgaii hála' áadóó hakee' bik'ídadeesdizgo, hanii'jí' ałdó' bee ádít'oodí bik'ídadeesdizgo ch'ízhnýá. Áko Jesus áhodiíniid, Hak'i nda'ooh'áadgo, hodadohchíid.

John 10:17, 18

Éí bąą she'iina' t'áá shí náádideeshdléél biniyé ninádinish'aah, éí bąą shiTaa' ayóó'áshó'ní. Éí diné doo la' shighaidoolyéél da, ndi t'áá shíniik'eh ninádinish'aah. Bee óhólnííh shee hólóqogo ninádinish'aah, áadóó bee óholnííh shee hólóqogo náádideeshdléél; dií bi'deeshlííłgo shiTaa' yee shá hooł'a'ii át'é.

Revelation 1:18

Hináanii nishlì; dasétsqá nít'éé', ndi k'ad shoo, ahóyéel'áágóó hinishná. T'áá ákót'ée doo. Anoonéél áadóó ch'íidiitah bibee'aańdítihí shee hóló.

# Diyin God Bibik'eh Ó'oo'níilii

Deuteronomy 5:7-21

T'ááká diyin náánála' dahólóqgo íínisin yiila'. Ha'át'ihígíida bida'alyaii doo ádá'adíílniil da; ha'át'ihígíi da yádiłhiil biyi'di dahólónonii, nahasdzáán bikáa'gi dahólónonii ndi dooda, áadóó táyi' naaldeehii ałdó' doo bée'díidlíiil da; Áko éí doo bich'í' yaa ánéinit'íjih da doo, doo ndi bich'í' nahóláa da dooleet; . . . Bóhólníihii niDiyin God bízhi' éí doo ilígóó doo bee háádaahdzih da doo, háálá t'áá háiida Bóhólníihii bízhi' doo ilígóó bee hadzoodzí'igíí éí ha'át'e' doo hąąh ádingo ahóle' át'ee da dooleet. Bóhólníihii niDiyin God t'áá yee nihich'í' haadzí'ęęgi át'ęego háá'áyíjih jí éí hodílzingo ádeínóhsin doo. Hastáqá jí t'éí nanilnish áadóó ninaanish ałtso bininánílnish doo . . . Nizhé'é índa nimá nił nilíj le'. Bóhólníihii niDiyin God t'áá yee nich'í' haadzí'ęęgi át'ęego ts'ídá doo azéé'díít'íjil da. Ts'ídá doo adidiílleeł da. Ts'ídá doo adíníi'íjil da. (Ts'ídá doo t'áá'ádzaagóó bił kékéhót'iini baa hólne'í.) Bił kékéhót'iini be'asdzáqá t'áadoo bidáninilníni, bił kékéhót'iini bighan t'áadoo bidáninilníni, bikédaayahda, diné bá naal'a'ida, asdzání bá naal'a'ida, bibéégashiida, bitéliida doodaii' t'áá ha'át'ihída bíhígíi t'áá'ałtso t'áadoo bidáninilníni.

# Diyin God Doo Bits'ąą Nízhdót'ííh Át'ée Da

Job 34:21, 22

Diné ádajoonílígií t'áá'ałtso yiníl'i, índa ndajikaigóó t'áá'ałtso yoo'i. Chahałheełgi índa anoonéél bichaha'ohgi diné doo yá'áshóonii nízhdi-doot'ílígií éí t'áá há ádin.

Psalm 139:8 and 12

Yádiłhił biyi'góó íiyáa ndi áadi honíłó! Ch'íídiitahdi nétií ndi áadi honíłó! T'áá'aaníí chahałheeł ndi doo nits'ąą náshididool'ííł da.... Tł'éé' éí jiigo hool'inígií nahalin, háálá chahałheeł éí adińdiín t'áá bił aheełt'éego níníl'i.

Jeremiah 23:24

Doo dahoot'íidi diné la' ñdeest'íí'go yideestséełgo bíneesh'á,ní Bóhólníihii. Yá'qash áadóó nahasdzáán t'áá'ałtsogóó bii' honishłó,ní Bóhólníihii.

Proverbs 15:3

Bóhólníihii éí t'áadoo bínií'ohígóó doo yá'áshóonii áadóó yá'át'eehii haisíid.

Luke 8:17

Háálá baa hasti'go dah nool'íłii ndi bééhodoo-zííłgo át'é, áko ha'át'ihída bik'é'esti'ęę hahgoda báádi'dooltsosgo bééhodoozííł.

# Doo Diyin God K'ehgo Ádaat'éii Hool'áágóó Ti'dahooníih Doo

Matthew 13:41, 42

Diné Silíí'ii bidiyingo ndaal'aí iiidiyooł'aałgo, bee böhölníihgo bił haz'áanii biyi'dóó biniinaa bąąhági ádahat'iinii t'áá'ałtso índa bąąhági ádaat'iinii ñdeidiyoolahgo, hodook'ąął góne' adeidiyoołtl'il; áadi diné daachxa áadóó biwoo' ahídeidiłk'ash doo.

Matthew 18:8

Áko níla' éí doodaii' nikee' bee bąąhági ánít'í ánóhsingo, éí k'ínígéeshgo yóó'ahíłhan; nits'iis łahgo ádin ndi éí doodaii' na'nílhod ndi iiná biih yíníyáájigo ná yá'át'éeh, ndi níla' t'áá ałch'ijigo áadóó nikee' t'áá ałch'ijigo hool'áágóó hodook' ąąłjí' andi'yoolgháájí doo ná yá'át'éeh da.

II Peter 3:7

Áko k'ad Diyin God t'áá éí saad yee haadzí'ęę bee yádiłhił índa nahasdzáán hólónigíí kq' yee iidooldiłjí' hasht'eyósingo hoolzhish. Baa hoolzhiizhgo diné doo Diyin God dazdísinígíí Diyin God há nihwii'aahgo hool'áágóó ti'dahojooníihgo há nihodiyoo'áál.

Psalm 9:17

Diné doo yá'ádaashóonii áadóó ał'ąąq dine'é Diyin God yaa dayoonéehii t'áá'ałtso ch'üüdiitahgóó yi'iihníih doo.

Matthew 25:46

Áko díidí hool'áágóó até'él'í biyi'jí' dashdidoookah, ndi t'áá ákogi ádaat'éii éí iiná doo nińt'i ii yiyi'jí' dah didookah.

# Ánihwiit'aah Alaqají' Hóló

Acts 17:31

Háálá diné niiniłtiinii ła'ají nihokáá' dine'é ts'ídá t'áá ákogi át'éego yaa ndóot'íjlgó yee nihoní'á. Éí daaztsáqdéé' néidiisáhígíí bee t'áá'aaníí ákohodoo-nílgó diné t'áá'ałtso bił nibéédahwiizjíhgo áyiilaa.

II Peter 2:9

Jó Bóhólníihii éí Diyin God deidisinii nabídahontaahii yits'áqdóó yisdáyiiníiłgo bił bééhózin, áadóó doo t'áá ákogi ádaat'éii ánihwiit'aah beiniłkáqají' atihodooliı́łgo bił bééhózin.

I John 4:17

Éí lá bee ayóó'ó'ó'ní nihiyi' hadaal't'éego hasht'eelyaa ni, áko ánihwiit'aah beiniłkáqadi doo ntsideiidáa da dooleet, háálá nihokáá'gi nihí ałdó' t'áá bí át'éhígi ádaniit'é.

Hebrews 9:27

Áko nihokáá' dine'é t'ááláhídi dazdootsaalgo bee há haz'á, áadóó bik'ijí' Diyin God há nihodoo'áál.

II Corinthians 5:10

Háálá t'áá'ániiltso Christ bibikáá'dóó ánihwiit'aah bidááhdóó nihidiikah, t'áálá'i niitínigo t'áá nihits'iis bii' kéké dahwiit'íjgo ádeiit'íjdeé bik'ehgo, yá'át'éehii éí doodaléi' doo yá'át'éehii ts'ídá báqh niidlíj góne' nihaa ndahódóot'íjł.

Romans 14:12

Ákohgo t'áálá'i niitínigo Diyin God bich'í' áadaa ndahodiilnih.

# **Jesus Christ Bibee'ajooba'**

## **Romans 5:15**

Ákondi t'áá jiík'e Diyin God ainiláii éí Adam doo ákóó áát'iidéé doo bił aheełt'ée da; háálá Adam doo ákóó áát'iidii biniinaa diné t'óó'ahayói dadínéezná, ndi diné t'áálá'igíí Jesus Christ biniit'aa t'ah aláhidi át'ego diné t'óó'ahayói Diyin God baa joozba'go t'áá jiík'e yisdábíínilgo bee ajooba' bilááh néés'aqđ.

## **Romans 9:16**

Áko diné t'áá hó iiznízinii índa ájooníilii bik'ehgo éí Diyin God doo náhodiiłteeh da, ndi t'áá bí haa a'áah niizjí'go t'éiyá náhodiiłtééh.

## **I Peter 5:5b**

... háálá Diyin God éí ádaa daha'niihii yik'iji' nilí, ndi bibee'ajooba' éí a'ohgo ádaa ntsídaakeesii yee yaa jooba'.

## **II Corinthians 8:9**

Háálá nihiBóhólníihii Jesus Christ bibee'ajooba' nihíl béédahózin, jó éí azhá at'ii ndi, bahojoobabái silíjí', háálá nihá bahojoobabái silíigíí binahjí' nihí da'dooht'ijł.

## **II Corinthians 9:15**

Doo altso baa hóne' át'éégóó t'áá jiík'e Diyin God nihainiláii bich'í' baa ahééh hasin!

## **Acts 4:33**

Áádóó daal'aadii éí oo'iinii k'ehgo bidziilgo Bóhólníihii Jesus daaztsáqdéé' náábi'diilzáhígíí baa dahojoole', áko t'áá'ádzíltso Diyin God bibee'ajooba' yee hak'ijisqli'.

# Łahgo Át'ēego Ntsínáhodeeskééz

Díidiigíí diné doo yaa ákodanízindáqá' Diyin God doo bá yił iíltá' da, ndi k'ad t'áá'ałtsogóó diné t'áá'ádzíltso yee há has'ąago áhální, Łahgo át'ēego tsíndahidohkeesgo shich'í' ádił nda'ayoołzi'ęę bits'áhóhkááh.

—Acts 17:30

Dooda, nihidishnii ndi doo łahgo át'ēego Diyin God bich'í' tsíndadookéezgo deisoohdląądgóó nihí ałdó' t'áá' ákot'ēego ádadoohdijł. —Luke 13:3

Áko Peter áhodííniid, T'áálá'i nootínigo łahgo át'ēego Diyin God bich'í' tsíndahidohkeesgo Jesus Christ bízhi' bee tó bee danihi'dólzíih, áko Diyin God bich'í' ádił da'soołziihęę nihá yóó'iididoo'áál áádóó Níłch'i Diyinii nihaa deet'áanii nihíi' dadooleeł.

—Acts 2:38

## Acts 3:19

Éí bąq nihibąqħági'ádaat'éii nihá k'éeda'doochqoł biniyé łahgo át'ēego tsíndahidohkeesgo Diyin God bich'í' dah n̄dahidoohkááh, áko Bóhólníihii bits'ąądóó bee ak'éehwiitáadii nihee náhoodleeł doo.

Háálá Diyin God k'ehgo yíníł daniidlíigo éí łahgo át'ēego Diyin God bich'í' tsínánihidiiłkosgo bee yisdá'iildéehii yaa nihíi'éesh, áko éí doo bik'édi daniidlíi da; ndi nihokáá'jí k'ehgo yíníł danilíigo éí aniné t'éiyá nánídlí.

—II Corinthians 7:10

## Matthew 3:2

Łahgo át'ēego Diyin God bich'í' tsíndahidohkeesgo ádił nda'iyohsíihii bits'áhóhkááh, háálá yá'ąąshii bee bóhólníihgo bił haz'áanii bílatah dahashzhiizh.

# Ádił Ni'iilzííh Á Yóó'ahidit'aah

Háálá diné nihich'í' doo ákóó ádáát'iidéé bá yóó'adahidoh'aahgo nihiTaa' yá'qashdi hólónii bich'í' doo ákóó ádaot'iidéé ałdó' nihá yóó'iidii'aah doo.

—Matthew 6:14

Ndi diné doo yá'áshóonii ádił ni'iisíí' yéé t'áá'ałtsó yóó'iidií'áago áadóó bee nihwiish'aahii t'áá'ałtsó áadóó bee bá haz'áanii índa t'áá ákogi é'et'éii yaa naagháago éí doo dadootsaał da; t'áá'aaníí hináa dooleeł.

—Ezekiel 18:21

Jó'akon, ch'é'etiindéé' sézíjgo dáádilkáł náníts'in; t'áá háiida shidiizts'á'igíí índa aq yidinítáni-gíí bił yah adeesháałgo bił adeeshíjíl índa shił adooyíjíl.

—Revelation 3:20

## Isaiah 55:7

Doo yá'ádaashónonii bíni'dii bá dahońt'i'ii yóó'-adeidii'aah, áadóó diné doo ákogi át'éégóó ntsíkeesii bíni'dii Bóhólníihii yich'í' dah ndiidáahgo áko yaa a'áah dínóozíjíl áadóó nihiDiyin God yich'í' dah ndiidzáago lą'ídi há yóó'anéididoo'aál.

## Acts 5:31

Ízrel dine'é ɬahgo át'éego Diyin God yich'í'tsíńda-hidookosgo áadóó bibaqhágí'adaat'éii bá yóó'iididoo'aałgo bá ashja'ósin dooleeł biniyé Jesus, Alaqíjí Siziinii índa Yisdá'iiníílii niljí dooleełgo Diyin God binish'náájí dah yineesdá.

Áko bida'oodla' yee aa dadzólíii jiiłts'áago diné bitah doo nahwii'nánígií ábizhdííniid, Shiye', ádił ni'iyínílzí'ęę ná yóó'adoot'á.

—Mark 2:5

# Nihokáá' Bił Ndahazt'i'ii Bits'a'iildéehgi

Titus 2:11, 12

Háálá diné t'áá'altso yisdéidiyoonił biniyé Diyin God bibee'ajooba' yee nihich'í' yit'íni í'diilyaa. Áko díí yee nanihintin, díí nihokáá'gi doo Diyin God k'ehgo iináanii índa ts'ísee k'ehgo adáhonooniinii yóó'adahidiit'aah, áadóó hazhó'ó ádaa adahwiilyáago ts'ídá t'áá ákogi át'éego índa Diyin God k'ehgo dahinii'náago ánihósin doo.

Yá'qashdi dahólónonii t'áá'íiyisí haleebée baa ntsídaahkees, nahasdzáán bikáá'gi dahólónonii éí dooda.

—Colossians 3:2

Ephesians 5:11

Áadóó chahałheeł biyi' baa da'ıldéehii t'áadoo náoodle'i ádaat'éii t'áadoo bee atah danohłní, ndi doo nihí adaaniígóó yit'íni ádaahle'.

T'áá nihí tá'ádadohgis; t'áá nihí chin ádąąh daałdééh; doo yá'át'ééhgóó ádaahnílgíí shinááł yóó'adahidoh'aahgo ádił nda'ayohsíhígíí bik'idoh-kááh.

—Isaiah 1:16

Nahasdzáán bikáá'góó dahólónonii t'áadoo ayóó'ádeínóh'níní, nihokáá' bił ndahazt'i'ii ndi dooda. T'áá háiida nihokáá' bił ndahazt'i'ii ayóó'ájó'nínígíí éí Diyin God aTaa' bibee'ayóó'ó'ó-'níinii doo hwii' hólqó da. Háálá nihokáá' bił ndahazt'i'ii t'áá'altso, ats'iís yidánoolniinii, áadóó anáá' yidánoolniinii' áadóó iiná bee ádaa hodzódlíii éí doo Diyin God aTaa' bits'áqadéé' ádaat'ée da, ndi nihokáá'dóó ádaat'é.

—I John 2:15, 16

# Ániidíii Bee Náá'ázhchí

Ezekiel 36:26

Ajéí ániidíii índa áhwiindzin ániidíii nihiih náhideeshnił; nihijéí daatséhéę nihii'dóó hahideeshnił; ajéí dit'ódii nihiih náhideeshnił.

I John 2:29

Christ ts'ídá t'áá ákogi át'éii nilígoo nihil béédahózin. Áko t'áálá'í jinítínigo ts'ídá t'áá ákogi ádajit'iinii Diyin God bits'áqdóó náádaho'dizhchíigo ałdó' nihil béédahózin.

II Corinthians 5:17

Éí bąq t'áá háiida Christ yił lá'i nilígoo éí diné ániidíii ábi'diil'ı̄h; t'áá shiidáq'dii bee biyi' áhoot'ehéę bits'áqají' yóó'iildohgo, jó'akon ániidíii bee biyi' hońt'i' yileeh.

I John 5:18

T'áá háiida Diyin God bits'áqdóó bi'dizhchíinii bąqhági'át'éii doo t'áá náás yoołt'ihgóó nihil béédahózin, háálá Diyin God biYe' haa áhályá, áko doo yá'ashqóógoó naagháii doo haada hóle' át'ée da.

John 3:3

Jesus áhodííniid, T'áá'aaníí, t'áá'aaniigóó ándishní, diné doo náábi'dizhchíigóó, Diyin God bee böhölníihgo bił haz'áanii ts'ídá doo yoołtséél át'ée da.

I Peter 1:23

Háálá náádaníhi'dizhchí, álástsii' diłdzidii bee éí dooda, ndi doo diłdzidii, éí Diyin God bizaad hináanii, doo bá nihon't'i'ii bee náádaníhi'dizhchí.

# Ádił Ni'iilzíih Bich'íj Da'aztsá—Christ Bee Náá'diijéé'

## Ephesians 2:1 and 6

Áko doo ákóqó áadaah'tínéé áádóó ádił nda'ayohsí-héé biniinaa Diyin God bich'íjgo dasinoonáá nít'ée', ndi Diyin God hinááh ándanihiidlala. Áko Christ Jesus bił náádanihizhdiijljee'go yá'aqash haz'ąadi bił naháatáago ánihijiila.

## Colossians 3:1

Christ bił náádanihidiiljee'go, Diyin God binish'náájí Christ dah sidáadi dahólóonii hádaah'tí.

## I Peter 2:24

Baqhági'át'éii bich'íj danee'náago ts'ídá t'áá ákogi ádaniit'éego dahinii'náa doo biniyé Christ t'áá bí bits'iis yee nihibaqhági'át'éii ák'iidiit'ąago tsin'ałnáoszid baqhji' yił ti'hooznii'. Éí bik'indzisk'ąago ábi'diilyaaígíi bee hadaałt'é n̄dasooohdlíjíi'.

## Galatians 5:24

Áádóó Christ Jesus bií' dajilíinii éí ts'ísee k'ehgo be'adáhonooni' áádóó bee laanaa daznízinéé tsin'ałnáoszid baqhji' bił o'oolkaal.

## Romans 6:2 and 11

... Baqhági'át'éii bits'aq danee'náago, ha'át'iish biniyé t'ahdii t'áá éí bii' dahinii'náa doo? T'áá ákót'éego nihi ałdó' baqhági'át'éii bits'aq dasinoonáago, Jesus Christ nihiBóhólníihii bee Diyin God bá dahinohnáago bee áadaa ntsídaahkees.

# Hool'áágóó Iiná

Galatians 6:8

Háálá t'áá háiida t'áá hó hats'iis yidánoolníinii k'izhdíiláhígíí t'áá éí áhodoołdijíłii ádá shóizhdoołt'eeł, ndi Níłch'i Diyinii bá k'izhdíiláhígíí éí Níłch'i Diyinii bits'áqdóó iiná doo nińt'i'ii ádá shóizhdoołt'eeł.

John 3:14, 15

T'áá honoojíidi Mózes éí tł'iish dah hizhdíiłt'e' yéęgi át'éego, Diné Silíj'ii dah hididoołt'eeł, áko t'áá háiida boodláągo baa dzólíhígíí éí doo ádoodijíł da, ndi iiná doo nińt'i'ii bee hólóq dooleel.

Áko iiná doo nińt'i'ii éí díí, ni t'éiyá t'áá'aaníí Diyin God nílíigo néédahodoosijíł, índa Jesus Christ yíníł'a'igíí ałdó' yéédahodoosijíł. —John 17:3

John 3:36

T'áá la' aYe' joodláągo beijólíii éí iiná doo nińt'i'ii hwee hóló; t'áá la' aYe' doo joodláągóó doo bik'eh hojíl'iinii éí iiná doo yizdoołtséeł da, ndi Diyin God t'óó báhádzidgo bibee'até'él'iinii hak'igi hóló.

Romans 6:23

Háálá Diyin God bich'í' ádił ni'iidzíih éí aniné niyiilé, ndi Jesus Christ nihiBóhólníihii bee Diyin God éí iiná doo nińt'i'ii t'áá jíík'e nihainílá.

T'áá'aaníí, t'áá'aaníigóó ánihidishní, t'áá háiida shizaad yidiits'a' áadóó shiníł'a'ii yoodlánígíí, éí iiná doo nińt'i'ii bee hóló; áadóó doo baa náhódóot'íjíł da, ndi aniné bits'áqdóó iináají' íiyá. —John 5:24

# **Yisdá'iildééh Hoł T'áá'aaniígo**

**Isaiah 32:17**

Áadóó t'áá ákogi é'ét'éii éí hashtehodít'é iíłłí; áadóó t'áá ákogi é'ét'éii bits'áadóó il hodéezyéél índa hoł t'áá'aaniígo ákót'éii iidéélní.

**Galatians 4:6**

Áadóó ba'álchíní danohlínígíí bąą Diyin God éí haYe' biNílch'i Diyinii nihijéí yiih yiyíl'a'go, Ába, shiTaa', niigo ná'ookąąh.

**John 14:21**

Bee nahoséł'áanii hoł bééhózingo bik'eh hojíl'iinii éí ayóó'áshijó'ní; áko ayóó'áshijó'nínígíí éí shiTaa' ayóó'áhó'nii doo; shí ałdó' ayóó'áhósh'nii doo, áko hach'í' ádééhodeeszíjíł.

**Romans 8:16**

Nihijéí tł'áahdi Nílch'i Diyinii t'áá bí nihiniłch'i iíłłíní, Diyin God ba'álchíní danohłí.

**I John 3:18, 19**

Sha'álchíní, Ayóó'áda'iínii'ní, dadii'níigo t'áadoo t'óó ádadii'níní doo, ndi t'áadoo nídí ayóó'áda'ahíi'níigo ałk'indeiildzil doo. Díí kót'éego t'áá'aaniinii bii' daniidlíigo nihíł béédahózin, índa Diyin God bi-dááhdóó t'áadoo ntsideiikaií doo.

**I John 4:13**

Diyin God haNílch'i Diyinii nihaazhníł'a'ígií bee Diyin God hwii' dahoniidló áadóó nihii' hojílóqogo nihíł béédahózin.

# Christ Hwii' Hólóqo Il Hózhó Haidii'aah

John 17:13

Ndi k'ad nich'í' nihéénísdzá; áko shibee'ilhózhó bee bíni' dabíighahgo bee bił dahózhóq dooleel biniyé díidiígií nahasdzáán bikáa'gi bee hahasdziih.

Romans 14:17

T'áá ha'át'ihígíida yidáanii, doodaii' t'áá ha'át'ihígíida yidláanii éí Diyin God bee böhölníihgo bił haz'áanii doo bídéét'i' da, ndi ts'ídá t'áá ákogi é'et'é áadóó k'é hwiindzin índa il hózhó Nílch'i Diyinii eidii'aahii bídéét'i'.

Galatians 2:20

Jó Christ bił tsin'ałnáoszid bąqhji' shił o'oolkaal; áko k'ad hinishnánigíí éí doo t'áá shí hinishnáa da, ndi Christ shii' hinánigíí bee hinishná; áko k'ad hinishnánigíí éí Diyin God biYe' ayóó'áshó'níigo shá daaztsáanii baa jííníshlígií bee hinishná.

Isaiah 12:3

Éí bąq tó hadahadlehdóó tó bee yisdá'iildéehii baa nił hózhóqo hahíleeh doo.

John 15:11

Shibee'ilhózhó nihii' dahólóq doo biniyé díi bee nihich'í' hahásdzíí', áko nihíni' bíighahgo nihíl dahózhóq doo.

Psalm 16:11

Iiná bá hońt'i'ígií shił bééhózingo áshiinilaa; honílóqgi t'áá'íiyisí bee il hózhónii hóló, ninish'náájí baa honeeninii hólóqo ahóyéel'á.

# Bóhólníihii Bik'eh Hól'í T'áá'ákónéehée

I Samuel 12:15

Ndi Bóhólníihii bizaad doo bik'eh dahonoł'íigóogo índa bibik'eh ó'ooníilii bich'í' nidaalteehgo Bóhólníihii éí danitaa'áq atíyííł'íidéęgi át'éego yee atí'él'iinii yee nihik'ijí' niljí doo.

Romans 6:16

Da' díísh doo nihíł béédahózin da? Naalte' ak'eh dahól'ínigi át'éego la'da baa ádasidooh't'áago t'áá éí binaalte' danohl̄íigo aniné yih nihidoo'ish; ndi Diyin God bik'eh dahonoł'íigo binaalte' danohl̄íigo iiná ts'ídá t'áá ákogi át'éii yih nihidoo'ish.

II Thessalonians 1:7-9

Áádóó nihich'í' ndaho'diilnánéę nihíł háádadool-yihgo nihaididoo'áál, Bóhólníihii Jesus bidiyingo ndaal'a'í ayóó'ádabóodziilii yił yá'qashdék' yit'íni áyiilaago índa ákóhodoonííł. Diyin God doo bééda-hodzisinéę índa nihí Bóhólníihii Jesus baa hane' yá'át'éehii doo bik'eh dahojíl'íneę kó' bits'áhodino'ii yee k'ééhodidoodlííł. Áko hool'áágóó atídaho'diilyaa doo, Bóhólníihii áádóó bibee'adziil ayóó'át'éii bits'áho'dee'nilgo ti'dahojooníih doo.

Deuteronomy 11:26-28a

Jó nihidáahgi díí jí ak'ihojidlíii índa hóyée'go bee áha'doodzihii ninílá. Jó, Bóhólníihii nihí Diyin God bibik'eh ó'oo'níilii díí jí bee nihich'í' haasdzií'ii bik'eh dahonoł'íigo nihik'ida hojidlíii doo. Ndi Bóhólníihii nihí Diyin God bibik'eh ó'oo'níilii doo bik'eh dahonoł'íigóó éí hóyée'go nihá ha'iidziih doo.

# Christ Bee Ádee Hane' T'áá'ákónéehée

Philippians 2:11

Áádóó Diyin God nihiTaa' baa ha'niih doo biniyé diné t'áálá'í jinítínigo Jesus Christ éí Bóhólníihii nilí, dajiníigo bee hadahizdoodzih.

Matthew 10:32, 33

Éí bąą t'áá háiida diné bináál shee ádééhodzílzinígií, shí ałdó' shiTaa' yá'qashdi hólónonii bidááhdééhwee ádééhodeesziíł. Ndi t'áá háiida diné bináál, Doo hwééhasin da, shididooniilígíí, shí ałdó' shiTaa' yá'qashdi hólónonii bidááhdóó, Doo hwééhasin da, hodideeshniíł.

Romans 10:9, 10

T'áá ni nizaad bee, Jesus éí Bóhólníihii nilí, diníigo bee ádee hadiínídzií'go, áádóó Diyin God éí Jesus daaztsáqđééh néidiisáago nijéí bee yinídláago yisdánidi'dooltéél. Háálá hajéí bee Jesus joodląąhgo ts'ídá t'áá ákogi ájít'éego há ha'adzih, áádóó t'áá hó Jesus bee ádee hazdidzihgo yisdáho'diltééh.

I John 2:23

T'áá háiida aYe' doo ádizhdéélt'i'góó hadziidziihígíí éí aTaa' doo hwee hólóq da, ndi aYe' ádizhdéélt'i'go hadziidziihígíí éí aTaa' nilíinii hwee hóló.

Luke 9:26

Háálá t'áá háiida shí índa shizaad baa yázniizlíígiíí, éí Diné Silíí'ii t'áá bí bee bits'ádi'nilíidii áádóó biTaa' índa diyingo ndaal'aí bee bits'ádi'nilíidii yił níyáago hó ałdó' haa yádínóozííł.

# Nílch'i Bi'iiníziinii Aláahgo Nihe'ana'í Nilí

## I Peter 5:8

Hazhó'ó ntsídaahkees áadóó hada'ísídól'íí'. Náshdóítsoh bitsíiji' ditl'ooígíí biyi' nahodi'ni'go yidooolghalii haintáago naagháhígi át'éego nílch'i bi'iiníziinii binant'a'í, nihi'ana'í nilíinii nanitá.

## Matthew 4:1 and 10, 11

Át'éé' nílch'i bi'iiníziinii binant'a'í Jesus nayídínootah biniyé Jesus éí Nílch'i Diyinii honoojíigóó abiísá. Át'éé' Jesus ánáádí'ní, Yówehdi naniná, Séítan! Háálá Diyin God bizaad bee ak'e'ashchíinii ání: Bóhólníihii niDiyin God bich'í' nahóhláa doo, Áadóó t'áá bí t'éiyá bá nanil'a' doo. Ákohgo índa nílch'i bi'iiníziinii binant'a'í hak'ideeyáago dahodiile'. Áadóó jó'akon diyingo ndaal'a'í haa haaskaigo há chodaoz'íid.

## Ephesians 6:11

Béésh éé' bee na'abaahii Diyin God nihaidini'ánígíí t'áá'át'é bee hadadohné' áko nílch'i bi'iiníziinii binant'a'í binahagiz bik'íji' bídanooł'áago ndasoozíí doo.

## Acts 26:18

Bináá' aq ádadííliił áko chahałheeł bits'áaji' adińdiinji' áadóó Séítan bibee'óhólníihii bits'áaji' Diyin God yich'í' dah ndahididookah índa shich'í' ádił nda'iisíhígíí bá yóó'adahididoot'áál, áadóó dashoodlánígíí bee Diyin God diyingo ádayiilaii bił hó dadooleełii baa dadoolyéél.

# Nílch'i Bi'iiníziinii Bik'eh Hodidlíjígi

Áko índa bąąhági'át'éii yee siziinii yit'iní idí'doolníił, áadóó Bóhólníihii Jesus nádzáago bits'ádi'nílídii yee yit'iní i'diilyaago, bizeé'déé' biyol yee bąąhági'át'éii yee siziinii yidiyoohlhéelgo íidoołdijíł.

—II Thessalonians 2:8

Éí bąą Diyin God baa ádadíyoht'aah. Nílch'i bi'iiníziinii binant'aí bich'i' ndaałdzilgo nihits'á-doolwoł. Diyin God baa hohkááh, áko bí ałdó' nihaa doogáál.

—James 4:7, 8a

## Hebrews 2:14

Sha'áłchíní bijinínígíí éí bits'íís áadóó bidił dahóló, áko t'áá éigi át'éego Jesus ałdó' hats'íís hazlíí'. Aniné bee bóhólníihii, nílch'i bi'iiníziinii binant'aí nilíinii, ázhdooldijíł biniyé dadziztsá.

## Romans 8:35 and 37

Ákoshä' háí Christ ayóó'ánihó'nínígíí yits'ánihi-doonił? Da' ach'i' nahwii'náásh? Da' tsist'l'ahazt'i'-ísh, da' atí'él'íísh, da' dichinísh, da' té'é'íísh, da' náhádzidísh, da' diltlish bee nihi'diisyíigoósh? Doo-da ląq! Jó Christ ayóó'ánihó'níinii bee ak'eh hididleehii biláahdi ádaniit'éego át'é.

## I John 3:8

Bąąhági ájít'ínígíí éí nílch'i bi'iiníziinii binant'aí bits'áądéé' hojílq, háálá nílch'i bi'iiníziinii binant'aí éí t'áá hodeeyáádéé' bąąhági ááníił. Diyin God biYe' éí nílch'i bi'iiníziinii binant'aí binaanish íidoołdijíł yiniyé níyá.

# Ayóó'ó'ó'ní Éí Íhojił'aahii Bee Hwééhoozijh

## I John 4:20

Diné la'da, Diyin God ayóó'óósh'ní, jinii ndi hak'is jijooláago, biyooch'iidi jílì, háálá éí hak'is t'áá joo'íí ndi doo ayóó'ájó'níigóó, ha'át'éegosha' Diyin God doo joo'íí da ndi ayóó'ájó'níi dooleel?

## I Corinthians 13:1

Azhá dadine'é índa diyingo ndaal'aí dabizaad bee yáshti' ndi, bee ayóó'ó'ó'níinii shii' ádingo t'óó bééshlitsoii yilghaałgo índa ahídí'niłgo hahóół'áago diits'a'ígi ánisht'é.

## John 13:35

Ayóó'áda'ahíínóh'níigo shídahooł'aahii danoh-líigo diné t'áá'altso bił béédahózin doo.

## Galatians 5:22, 23a

Ndi Níłch'i Diyinii bineest'aq' éí díí: ayóó'ó'ó'ní, il hózhó, hasht'ehodít'é, nízaadgóó ha'ahóní, ajooba', yá'át'eehii, a'ahódlí, a'ohgo é'ét'é, áadaa áháyá.

## John 21:16

Naakidi aleeh góne' ánaáhodoo'niid, Sáimon, John biye' nílíinii, da' ayóósh'áshííni'ní? Áko ánaábizhdi'ní, Aoo', Bóhólníihii, ayóó'ánósh'níigo nił bééhózin. Áádóó ánaáhodoo'niid, Shidibé baa áhólyá.

Aniné bii'dóó iiná bii'jí' ahiikaigo nihil bééhózin, háálá Christ bee nihik'isóó danilíinii ayóó'ádeíníi'ní. Hak'is doo ayóó'ájó'níinii éí t'áhdii aniné bii' hojíló.

—I John 3:14

# **Jesus Christ Náádiidzáhígíí**

**Acts 10:39-41**

Áko Jew dine'é bikéyahgi áadóó Jerúsalemgi baa njiyahígíí t'áá'altso nihi dabíínáalii daniidlí. Tsin yaqah dah dahodiilt'e'go dahwiisxí; ndi tágí jí aleeh góne' Diyin God nááhodiisáago ho'doot'íigo áhoolaa, doo diné t'áá'altso dahooltsáq da, nihi Diyin God nánihiizláa'ii t'éiyá dabíínáalii daniidlíjígo, dadziztsáqdéé' náázdiidzáadóó bik'ijí' doodlíjílii áadóó doodlítílii hoł deiidqá'.

**Romans 4:25**

Doo ákóó ádeiit'íjdíi biniinaa Jesus ho'diisyí, índa t'áá ákogi ádaniit'éego nihiha ha'doodzih biniyé dadziztsáqdéé' nááho'diilzá.

**John 20:26-28**

Áadóó tseebíískáago hódahool'aahii kin góne' ninááháaztá, áko Thomas aldo' ákwe'é ajítah. T'áá ákót'éego ádá nááda'deeskaal, ndi Jesus baa honile'go biní'i gi yiizi'go ábidííniid, Nihil dahózhqo doo. Thomas áyidiíniid, Kwe'é shila' bidinílchiidgo níníl'í; áadóó k'ídilchiidgo shooshk'iizh góne' adílníih; áko t'áadoo doo iinídlání, ndi iinídlá. Thomas éí Jesus áyidiíniid, ShiBóhólñíihii áadóó shiDiyin God!

**Mark 16:9**

Áko Damíigo aleeh góne' dadziztsáqdéé' náázdiidzáadóó bik'ijí' t'áá'iiyisi t'ah abínigo Mary Mágda-liin, éí asdzání biyi'déé' nílch'i bi'iiníziinii tsosts'id hazhníílkaadéé, éí ts'ídá áltsé bich'í' yit'íní izh'diilyaa.

# Náá'diijeeh Éí Ayóó'ánoolningo Bee Nihil Chodaho'iinii Át'é

Matthew 16:21

Áadóó bik'iji' Jesus éí Jerúsalemji' jideeyáago diné yá alaqají' naaziinii áadóó aláahgo nááda'iiłníihii índa beehaz'áanii yínda'niłtinii bik'ee la'igóó ti'hwiizhdoonih, áadóó hodi'yoolyéél, índa tágí jí aleeh góne', nááhodi'doodláligíí éí hódahool'aahii bee bił ahozhniilne'.

John 5:25 and 28, 29

T'áá'aaníí, t'áá'aaniígóó ánihidishní, bich'í' hoolzhish; k'ad ndi baa hoolzhiizh, daneeznánigíí Diyin God biYe' biinéé' deididoots'íjíl, áko t'áá'ałtso deidiizts'á'igíí dahináa dooleeł. Díidí t'áadoo bik'ee t'óó nihil adahayói; háálá bich'í' hoolzhish jishcháá' góne' naazhjé'igíí t'áá'ałtso hwiinéé' deididoots'íjíl, áko jishcháá'déé' háádahidookah; yá'át'éehgo ádaaniíł nt'é'igíí iiná biyi'jí' náádidoojah, áadóó doo yá'áshóóg góó ádaaniíł nt'é'igíí éí ti'hoo'níih biyi'jí' bá ndahodiyoot'áál biniyé náádidoojah.

Romans 6:4-5

Áko dadziztsánigíí bee danihi'doolzí'igíí bee hoł lá'i dasiidlıjí'go hoł yóó'ádanihi'diilyaa, áko nihiTaa' yee ayóó'át'éii bee Christ daaztsáqadéé' néidiisá-háągi át'éego nihí ałdó' iiná ániidíii bee dayíníikáah doo. Háálá Christ daaztsánigi át'éego bił danee'náago bee bił lá'i dasiidlıjí'go, t'áá ákót'éego ałdó' dadziztsáqadéé' náázdiidzähígi át'éego nihí ałdó' náádiijé'igíí bee t'áá'aaníí hoł lá'i daniidlíjí doo.

# Bóhólníihii Bich'í' Hodílzin

Luke 1:74, 75

Éí nihida'ana'í bílák'eedéé' yisdánánihi'doo'nilgo t'áadoo ñdeiildzidí bich'í' ndahwiidláa doogo nihaididoo'áál, nihí dayéelkaahgóó diyingo índa ts'ídá t'áá ákogi át'éego bá dahinii'náa doo biniyé.

II Corinthians 7:1

Ayóó'ánihósh'níinii, díí kót'éego nihaa deet'áago biniinaa, haa'íshq' nihits'iis índa nihinílch'i niyiilchxqohii nahjí' kódadiilniíł, áadóó Diyin God dadíníilzingo diyingo iiná hadaal't'éego ádadiilniíł.

II Timothy 2:21

Diné la'da doo yá'ádaat'éehii bits'áqdóó ho'díidee'go leets'aa' il niliqgo choo'iinii nahojílin doo, diyingo áho'diilyaa doo, índa kin bee böhólníihii bá chojoo'íí doo; t'áá'altsojí' yá'át'ééh ájooniíł doo biniyé hasht'eho'diilyaa doo.

I Peter 1:2

Nílch'i Diyinii bee diyingo ádanihi'diilyaago Jesus Christ bik'eh dahonol'íí doo, áadóó bidił nihik'ídadooltahgo nihibaqhágí'át'éii nihaqh ádingo iidoolííł biniyé t'áá átséedi Diyin God aTaa' nilíinii nihá yinahaz'áago atah nihiizláá'. Bibee'ajooba' índa bibee'ach'í'hózhqó náhásdlíí'ii k'ee'qá yileelgo yee nihik'ijidlíí doo.

I Peter 1:15

Ndi Diyin God nihíká ádííniidígíí diyin nilníngi át'éego nihí dó' t'áá'altsojí' diyingo dahinohnáa doo.

# Bóhólníihii Bich'í' Hodiyin

Isaiah 35:8

Áadóó ákwii azdoolkq'go atiin doo, áko ákóqó atiin dooleel; éí hońt'i'ígíí diyingo hońt'i' hoołyée doo; t'óó baa'ihii bee jiinánígíí Diyin God yee nihoní'áanii bik'ehgo doo ákóqó ch'ízhdoogáał da; t'áá háiida ákóqó yigálígíí azhá doo hóyáq da ndi doo yits'ádoogáał da.

Hebrews 13:12

Éí bąq Jesus ałdó' t'áá bí bidił yee diné dadiyingo áyooliil doo biniyé Jerúsalem kin haal'áhígíí bits'áhwiini'ąädi ti'hooznii'go daaztsá.

I John 1:9

Bąqahági ádeiit'ínígíí bee áadaa dahwiilne'go, hó ha'ahódlíii índa ts'ídá t'áá ákogi ááníílhi jílíjigo nihibąqahági'ádaat'éii ałtsø nihá yóó'azhdidoo'áál, áadóó doo t'áá ákogi ádeiit'íjídéę ałtsø nihąqh táázhdoogis.

Matthew 3:11

Lahgo át'éego Diyin God bich'í' tsíndahidohkeesgo bąqahági ádanoht'éhéę bits'áhóhkáahgo tó bee danihisíjh, ndi shikéédéę' náájoodálígíí éí shiláahgo ájít'é, áko hakee' yishléel dooígíí doo báqh nishlıj da; hó t'éí Nílch'i Diyinii índa kq' bee danihidzisíjh doo.

Áko bináál dadiniigin áadóó t'áadoo bee nihik'ídahót'ahígóó dahinii'náa doo biniyé, t'ah doo nahasdzáán niit'aah bítséedi ayóó'ánihó'níigo Christ yee nánihiizláá'. —Ephesians 1:4

# Diné Níłch'i Bii' Hadadeezbinii

Luke 11:13

Áko nihí doo yá'ádanoht'ée da ndi, aa doolyéelii yá'ádaat'éehii nihada'álchíní baa dadoohléelii nihil béédahózin; éí bilááh át'éego nihiTaa' yá'qashdi hólónonii Níłch'i Diyinii bídayókeedii yeidiyii'aah.

Acts 1:8

Ndi nihí Níłch'i Diyinii nihik'i hoole'go bee adziilii nihee dahodooleeł; áko Jerúsalemgi, índa Judiyagi t'áá'át'éé' nt'éé' áadóó Samériyagi, índa nahasdzáán ndanees'ágoo shá dahołne' dooleeł.

Ezekiel 36:27

Áadóó ShiNíłch'i Diyinii nihii' dahólóqgo, ádanihideshłiļgo bik'eh ó'oo'nílii shihígíi bik'ehgo déinóhkáahgo, áadóó bik'eh hoogáalii shihígíi hadaosiidgo ádanihideshłíł.

Romans 8:9

Ndi Diycin God biNíłch'i Diyinii t'áá'aaníí nihii' dahólóqgo, ts'ísee k'ehgo doo dahinohnáa da doo, ndi Níłch'i Diyinii k'ehgo dahinohnáa doo. Diné la'da Christ biNíłch'i Diyinii hwee ádingo éí doo Christ bíí' jílįi da.

Acts 13:52

Áko ídahooł'aahii yíní bíighahgo bił dahóózhqod índa Níłch'i Diyinii bii' hadadéebiđ.

Kót'éego sodazdoolzin, nt'éé' álah jílinígi nahwiis'náá'; áadóó t'áá'ádzíltso Níłch'i Diyinii hwii' hadadéebiđ, áko Diycin God bizaad t'áadoo náhoniyésí bee dahojilne'. —Acts 4:31

# **Da'oodlání Ayóó'ánoolningo Bich'í' Nihodeet'áanii**

## **Psalm 34:18**

**Yínííł ádajít'éii Bóhólníihii hwíighahgi hóló, áadóó  
níłch'i hwii'siziinii tídaanáanii yisdéidooltéél.**

## **Isaiah 66:2**

**Háálá éí t'áá'ałtso ádeishłaa, áadóó éí t'áá'ałtso  
daashí, ní Bóhólníihii; díí diné bahooobá'íii índa  
áadaa hojoolbá'íii shizaad yits'aq yisti'ii bich'í'  
dídéesh'íjł.**

## **Revelation 21:4**

**Dabinák'eeshsto' t'áá'ałtso yá yidoot'ol, aniné ádin  
doo, áadóó atínáhodindleeh ádin doo, áadóó cha ádin  
doo índa adiniih ádin doo, háálá áłtséédqá'  
dahólónéę bił yóó'ahóoyá.**

## **Psalm 37:3**

**Bóhólníihii baa dzííniliigo yá'át'éehgo áánííł, áko  
kéyahgi kéehót'íjł doo, áadóó t'áá'aaníí na'ałtso' doo.**

## **I Peter 4:12, 13**

**Ayóó'ánihósh'níinii, kq' nahalingo na'ihontaaah  
bee nihéédahodoozíjł biniyé bee nihich'í' áhooniligií  
t'áadoo bik'ee t'óó nihíł adahayói. T'áadoo  
áho'dólne'gi la' át'éégóó nashóhontaaah t'áadoo  
danohsiní. Ndi Christ yik'ee ti'hooznii'ii bił áłts'aqá'  
da'nołk'iizigií baa nihíł dahózhqó le'. Áko Christ bee  
bi'oh adidilyéehii nihich'í' yit'íni silíj'go t'áá'iiyisi  
baa nihíł dahózhqó dooleeł.**

# Nabídahontaahii Bich'í' Bee Nihodeet'áanii

Hebrews 2:18

T'áá hó nahóhodi'ntaahgo ti'hodzooznii'; éí bąą nabídahodi'ntaahii bíká azhdoolwołgo bilááshneel'á.

Romans 16:20

Áko t'óó hodíína'go Diyin God, nihijéí bii' hózhóq-go áyósini, éí nihikétl'áahjí' Séítan yidoołjishgo nihá yik'eh didoodleeł.

Psalm 34:19

Diné t'áá ákogi áániihii yik'ee ti'hooníihii t'óó'ahayói; ndi éí t'áá'ałtso bits'áají' Bóhólníihii yisdábiilteeh.

Isaiah 43:2

Tó biyi'góó ch'ihínáahgo nił honishłqo doo; áádóó tooh daníliinii biyi'góó ch'ihínáahgo doo nik'ididool-kqoł da; kq' biyi'góó ch'ihínáahgo doo ndidoołłił da; doo ndi kq' dah nídíno'ii nídína' da dooleeł.

Romans 8:28

Diyin God ayóó'ádayó'níni t'áá bí yinahaz'áanii bik'ehgo yíká ádiíniidígíí bich'í' áhoonílígií t'áá'ałtso bá yá'át'éeh dooleełgo ahindaalnish áyósingo nihíł béédahózin.

I Corinthians 10:13

Bee na'ihontaah diné t'áá'ałtso bich'í' áániihii t'éiyá bee naníhodi'ntaah, ndi Diyin God éí ba'ahódlí, áko éí bídanooł'áanii biláahdi nanihihodínóotahgi doo yee has'ąą da, ndi na'ihontaah t'áá bił ch'ihón't'i'go nihá iiđoolíł, áko bídanooł'ąą doo.

# Ak'eh Dadidlíinii Bich'i' Bee Nihodeet'áanii

## Revelation 3:12

T'áá ak'eh deesdlí'ígíí shiDiyin God bikin bii' sohodizin biyi' áyahnnii'áii jílígó áhodeeshlííł; áko áadóó doo ch'ínáázhdoodáał da, áadóó shiDiyin God bízhi', índa shiDiyin God bikin haal'áii bízhi', éí Jerúsalem ániidííí yá'qashdéké' shiDiyin God bits'qádóó hadahodooleelií, índa t'áá shí shízhi' ániidiígií hakáa'gi bee bik'e'deeshchiíł.

## Revelation 3:5

T'áá ak'eh deesdlí'ígíí algaigo hadadít'ée doo, áadóó iináájí naaltsoos biyi'dóó házhi' ts'ídá doo k'éé'deeshchqoł da. ShiTaa' índa bidiyingo ndaal'a'i dabináał házhi' bee ádee hadideesdzih.

## Revelation 3:21

T'áá ak'eh deesdlí'ígíí shí akeh déshdlí'go shiTaa' bibikáá'dóó nahat'áii bikáa'gi bił dah níkéhígi át'ego, shibikáá'dóó nahat'áii bikáa'dóó shił dah dínóokeelgo baa dideesh'áál.

## Revelation 21:7

T'áá ak'esdeesdlí'ígíí díí hóó' dooleeł: haDiyin God nishlíí doo, índa hó shiye' jílígíí doo.

## Revelation 2:7

T'áá háiida daz'diits'a'ii Nílch'i Diyinii éí da'oodlání álah n̄daadleehii kwíílníigo yee yił halne'ígíí hání'dii dajíists'qá! T'áá ak'eh deesdlí'ígíí Diyin God bikéyah hózhónígi iiná tsin bąqhdóó adooyílgó baa dideesh'áál.

# Diyin God Ałts'á'ít'aash Yee Nihich'í' Yálти'

## I Corinthians 7:10, 11

Ndi da'ayéhígíí t'éiyá k'ad kót'éego bá haasdziih, ndi shí dooda, Bóhólníihii éí haadziih, éí e'esdzáqá jíliinii hahastiin doo yóó'azhdidoo'áał da; ndi yóó'azhdíí'áago doo hánáá'doogeh da, doodaii' bił k'é ná'ahizhdidoo'niil; áadóó ahastiin jíliinii hwe'asdzáqá doo yóó'azhdidoo'áał da.

## Luke 16:18

T'áá háiida hwe'asdzáqá yóó'azhdíí'áago áadóó náánálahjí' asdzání bá náá'dzísgehígíí éí azhdíiláago át'é, áadóó asdzání yóó'abi'doot'áneé t'áá háiida bá náá'ázyehgo éí azhdíiláago át'é.

## Romans 7:2, 3

Asdzání hahastiin hólóniíi hahastiin hináago beehaz'áanii yee hotq'; ndi hahastiin hats'áqá' daaztsáago beehaz'áanii bits'áaji' hwéédichi'. Hahastiin t'ah hináago náánála' diné bił ahaa náajít'ashgo adiléii bee ho'dójii doo. Ndi hahastiin hats'áqá' daaztsáago éí beehaz'áanii bits'áaji' hwéedoochid doo, áko azhá náánála' diné bił a'haa náajít'ash ndi doo adiléii jílji da.

## Matthew 5:32

Ndi shí ánihidishní, t'áá háiida hwe'asdzáqá doo adilée da ndi t'óó yóó'azhdíí'ánigíí éí asdzání adidooléelgo bee bá hojiil'a'go át'é; áadóó asdzání yóó'abidoot'áneé la'da bá náá'ásgehgo éí diné adíilá.

# Christ Nínáádoodááł

John 14:3

Áko áá níyáago nihá hasht'ehooshlaago, áadéé' náádeeshdááł, áadóó ákóó nánihideesh'ishgo, honishlónídi nihí ałdó' áadi dahonohlqó doo.

Revelation 3:11

Jó'akon, tsíjlgó deeshááł. Diyin God k'ehgo nihee dahólónígíí yéego dayínóhtq', áko nihinaat'ách'ah la'da doo nihighaidoot'áał da.

Mark 8:38

Áko t'áá háiida díí adilyé bee índa bąąhági át'éego ahoolchíili biyi' la' shizaad áadóó shí shaa yázniizí'ígíí, t'áá éí Diné Silíii biTaa' bits'ádi'níliidii yee diyingo ndaal'a'i yił yikaigo haa yádínóozíjil.

Matthew 24:30

Áko índa Diné Silíii bee bééhózinii yádiłhił biyi'di yidooltséél; áadi índa nahasdzáán bikáa'gi ał'aq dine'é t'áá'ałtso dadoocha, índa yádiłhił biyi'déé' Diné Silíii k'os bił yildohgo áadóó bee adziil índa ayóó'át'é ats'ádi'níliid yił yigáalgo deizdooltséél.

James 5:8

Nihí dó' hada'iínólní. Nihijéí bidziilgo ádeínóhsin, háálá Bóhólníihii ndoodálígíí koshídéé' hadziih.

Matthew 24:27

Jó ha'a'aahjí jiilgishgo e'e'aahjí' ndi tsé'naa bee i'didlla'igi át'éego, Diné Silíii doogááł.

# Christ Nínáádoodááł

I John 3:2

Ayóó'ánihósh'níinii, k'ad Diyin God ba'álchíni  
daniidlí. Ádaniit'ée dooleelií t'ah doo bééhózin da  
ndi, Christ nádzáago t'áá bí át'éhígi ádaniit'é  
dadiidleełgo nihíl béédahózin, háálá ázhnoolninígíi  
nihíl béédahodoozíjíl.

Revelation 16:15

Jó'akon, ani'íjhiigi át'éego nishááh! Doo alhoshii  
áadóó bi'éé' yaa áhályáanii éí bik'ihojidlí, áko doo  
t'áá líchí'ígo naagháa da índa doo t'óó baa  
yáhodoosíjíl da.

Luke 12:40

Éí bąq nihí ałdó' hasht'e'áda'díínółzin; háálá Diné  
Silíjíi doo ndayínóhłii da yéęgi hoolzhishgo doogááł.

Acts 1:11

Áko áhodiíniid, Gáliliidóó hastói danohlíinii,  
ha'át'iísh biniyé yá biyi' góde dasídóo'íjígo nisoozí?  
Díí Jesus nihits'áqá' yá'qash góde abi'dooltínígíi,  
t'áá yá'qash góde hooleełgo daołtsánígi át'éego  
nínáádoodááł.

Matthew 16:27

Diné Silíjíi biTaa' bee bits'ádi'nílíidii yee  
bidiyingo ndaal'a'i yił dookah, áko índa diné t'áálá'i  
jinítinígío ádajiít'íjdeę bik'ehgo haa dadi'yoolyéél.

Luke 21:27

Ákohgo índa Diné Silíjíi k'os bił yildohgo áadóó  
bee adziil índa ayóó'át'é ats'ádi'nílíid yił yigáałgo  
deizdoołtséél.

# Diyin God Bizaad

Luke 21:33

Yádiłhił índa nahasdzáán bił yóó'ahodoogááł, ndi shizaad t'éiyá doo bił yóó'ahodoogááł da.

Matthew 22:29

Ndi Jesus hach'i' hanáánáádzíi'go áhodííniid, Nda'ayohsíih, háálá Diyin God bizaad bee ak'eda'ashchínígíí índa Diyin God bibee'adziilii doo nihíł béédahózin da.

II Peter 1:21

Háálá Diyin God bizaad baa hane'ígíí éí diné la' doo t'áá bí iinízinígíí bik'ehgo yaa hoolne'ii át'ée da, ndi diné bił dahodiyinii éí Nílch'i Diyinii yádabiilti'go Diyin God yá dahoole'.

II Timothy 3:16

Diyin God bizaad bee ak'e'ashchíinii t'áá'altso Diyin God il halne'go bee ak'eda'ashchí, éí na'ntin biniyé, adidooteh biniyé, k'éhézdon ninádoodlóós biniyé, índa t'áá ákogi é'et'é böhoo'aah biniyé choo'í.

Psalm 119:11

Doo nich'i' ádił ni'iisiih da doo biniyé nizaad shijéí bii' ndél'íí'.

Psalm 119:105

Shiláají' tókq'í bee adoodlał nahalingo nizaad bik'ehgo nihidishtaał, áko yisháálgóó bee shá adiíndiín.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: [www.wmp-contacts.org](http://www.wmp-contacts.org)**

**Watson Goodman  
éí saad Ahíyiinil**

**Doo bágh íliní da—Doo nahaniih da**



World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

**6-24**

Read booklets online or by App  
[www.wmp-readonline.org](http://www.wmp-readonline.org)  
185/2 Navajo HFA